

DEO OPT. MAX. VNI ET TRINO VIRGINI DEIPARÆ. ET SANCTO LVCÆ
ORTHODOXORVM MEDICORVM PATRONO.

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, XXX. IANVARII,

M. BARTHOLOMÆO BARALIS, Doctore Medico & Regio, Præside.

An calor natiuus Elementaris?

1018

VNIVERSA Natura simplicibus constat, & compositis: illa sunt quatuor rerum primordia Ignis, Aër, Aqua, Terra, quæ singula duas habent in summo qualitates: hæc verò, cætera quibus mundi pulchritudo, ornatusque perficiuntur: illis nihil prius & antiquius; hæc ex illis per generationem fiunt & oriuntur præuiâ mixtione, à quâ reapse distinguitur generatio; in mixtione primæ Elementorum qualitates in sese mutuò agunt omnes, & patiuntur; non tamen viribus æquis triumphat calor, quem frigus sequitur, tertium locum humiditas, postremum tenet siccitas. In generatione duarum tantum agunt, & duæ patiuntur; licet omnes materialiter concurrant; frigidum ad naturæ operam iners, vni calori hoc munus demandatum est.

GENERATIONI contrarium maximè commune putredo, non quæ propriè ita nuncupatur, estque recessus a propriâ naturâ, quâ omnia sublunaria, etiam Elementa, excepto igne, corrumpuntur, & humores accenduntur, vulgò dicta violenta; sed naturalis illa quæ mixtum soluit in Elementa, & rerum terminus est atque vltima linea, à Philosopho definita, corruptio proprii & naturalis caloris in vnoquoque humido ab externâ caliditate quæ ambientis est, cuius ignoratio non leues inter Philosophos turbas, sed multo maiores inter Medicos concitauit; dum eorum aliqui simplicem veramque medendi methodum à græcis feliciter inuentam, & adhuc vsque tempora propagatam, æternumque apud probos & eruditos regnaturam, turpiter sedauerunt, nullis vel falsis indicationibus nitendo, Andabatarum more, clausis mentis oculis depulsionem morborum aggrediendo, & cardiaca nescio quæ preciosa, si Dijs placet, comminiscendo, ut verè quis dixerit, plerosque, quos ignorant morbos, per ea quæ non norunt medicamenta curare.

ISDEM Legibus, quibus alia viuientia, hominis Natura subijcitur, ex initio per mutuam actionem & passionem inter Elementa commercio sortem suam atque conditionem nata, sed inter-medius duobus principiis semine & sanguine menstruo: alterum alterius societate gaudet, iure tamen diuerso, & inæquali: Semen, quia opificis munus implere debebat, plus Ignis & Aëris substantiæ obtinuit; sanguis verò, ut cui sola obsequij gloria relicta erat, plus aqueæ & terrenæ: in vtroque ut calidum frigidum, sic humidum siccum præstat. Idque singulari naturæ providentiâ, cum enim corpus humanum partibus penè constet innumeris, conuenienti posito collocandis, & ad iustam magnitudinem perducendis, effingi absoluique minimè potuisset, nisi illa sequacem obsequentemque materiem, subministrasset.

CALORIS natiui opificis optimi origo accepta ferenda est Elementis, quæ interuenientibus variis mutationibus ita alterantur; ut sensu donentur, quæ co vacua prius fuerant, calorque ille vsulatur qui dum formæ ignis manciparetur, nihil non vastare poterat, viuificus omniumque naturæ operum author fiat: Is nempe est, qui scilicet ab initio animal fouet, alit, auget, & ad extremum vsque senium gubernat, æternus futurus, si neque conuenienti pabulo destitueretur, neque vi quâdam externâ dissiparetur, aut obrueretur: is ex diuersis specie ouis, in quibus latitat, diuersos specie pullos excludit, licet externo, sed consociali, aui nimirum incubantis calore indigeat: Eiusdem vnus caloris operâ plantæ pro suo quæque agunt ingenio, sole vim earum insitam suo accessu benefico promouente. Breuiter nullum reperias viuens, quod vitam agendique vim omnem ab elementari calore non traxerit.

AD omnia naturæ opera quando vnus satis est calor, quid frustra nulloque cogente geminum comminisceris, & eorum te laqueis implicas, qui calorem natiuum cælestem diuinumque esse prædicant: vide ut cælestis, si quis est, & elementaris vna res sunt: ut quilibet generat, corrumpit, iuuat, nocet: non secus ac flamma, ad quam si iusto intervallo accedas, recreat; si propius vrit, coquit alimenta, ipsæque gratiam atque suauitatem conciliat: dum aptè à coquo adhibetur; in viuentibus vrentem illam vim deponit, ac vitali procreatricique commutat: ut si ad ea, quæ præstat respicias, ignis naturæ nihil penitus retinere fatearis; nempe tum regitur imperio animæ; cuius primum est & præcipuum instrumentum, quo temperatè vitur cum ad sua munia obeunda, tum ut initè cum terreno corpore societatis nexus tardius resoluator.

Ergo calor natiuus Elementaris.

DOMINI DOCTORES DISPVATVRI.

M. Isaac Renaudor.
M. Antonius Morant.
M. Ioannes de Saint-Ton.

M. Petrus Regnier.
M. Ioannes Hamon.
M. Ioannes Maurin.

M. Iacobus Mentel.
M. Nicolaus Matthieu.
M. Carolus Dupré.



Proponēbat Lutetiæ NICOLAUS LE LETIER, Parisinus, A. R. S. H. M. DC. LIII.